

四種四諦：

為天台宗智顛所創，即指生滅四諦、無生四諦、無量四諦、無作四諦等四種四諦。其義出自《北本涅槃經》卷十一〈聖行品〉，智顛安立此四種四諦以配於藏、通、別、圓四教。此四種四諦與《涅槃經·德王品》之「生生」等四不可說，以及《中論·四諦品》之「因緣所生法」等之四句偈，共為建立天台四教之所依據。

《佛光》(節) p2310

生滅四諦：

為天台宗智顛所立四種四諦之一。此係三藏教之說，主張因緣生滅之實有；認為苦、集、道三諦依因緣而為實有之生滅，滅諦亦可視為實有之滅法。亦即指立於實生實滅上之四諦。

即：

- (一)苦諦，苦，逼迫之義；有三苦、八苦等。即觀色、心等諸法之無常逼迫，而知生死實苦。
- (二)集諦，即觀煩惱惑業實能招集生死之苦。
- (三)滅諦，即觀涅槃之理，而將生死之諸苦歸於寂滅。
- (四)道諦，即觀戒、定、慧之道，而斷盡惑業，生起正智，以證入涅槃。

《佛光》p2621

無生四諦：

我國天台宗智顛所立四種四諦之一。又作無生滅四諦。天台宗判立藏、通、別、圓四教，無生四諦係通教之說，

認為因緣諸法，悉皆幻化，當體即空而無有生滅，以此觀苦、集、滅、道四諦，故稱無生四諦，以別於藏教之「生滅四諦」。

- (一)苦諦，謂觀一切生死皆空，而無逼迫之相。
- (二)集諦，謂觀一切惑業皆空，無有和合，不生苦果。
- (三)滅諦，謂觀因緣諸法皆空，昔本無生，今亦無滅。
- (四)道諦，道，即戒定慧之道。謂觀一切道行皆空，能治之道，泯亡不存。

《佛光》p6395

無量四諦：

為天台宗智顛大師所立四種四諦之一。此係別教之說，認為三界之內與三界之外有恆沙無量之差別相，此無量法門，乃菩薩用以度化無量眾生者，聲聞、緣覺等二乘則以智眼亦不能知見，而唯有菩薩能通達此法。

- (1)苦諦，即菩薩能知見眾生之苦有無量之相。
- (2)集諦，即菩薩能知見眾生之惑業能招集苦果，亦有無量之相。
- (3)滅諦，即菩薩依方便正修而證入涅槃寂滅之理，有無量之相。
- (4)道諦，即菩薩所證得之諸波羅蜜有無量之相，此無量道法能自利、利他，救度無量之眾生。

《佛光》p6442

別教無量四諦：

於天台宗所判立「化法四教」中，別教乃獨為菩薩之法，異於三乘共修之藏、通二教，且其所明法門行相，隔歷次第，亦異於一切圓融之圓教。菩薩所化眾生 既無量，其所用法門 亦無有量，故稱無量四諦。即：

- (1)苦諦，謂此教菩薩諦審十界眾生生死諸苦，果報不同，而有無量相，是為苦有無量相。
- (2)集諦，謂此教菩薩諦審十界眾生之五住煩惱皆不相同，由惑招集生死之苦，是為集有無量相。
- (3)滅諦，謂此教菩薩諦審六度之行能證於涅槃寂滅之理，因諸波羅蜜各各不同，是為滅有無量相。
- (4)道諦，謂此教菩薩諦審十界眾生無量，所用自利利他之法門亦有恆沙之多，無可算計，是為道有無量相。

《佛光》p3528

無作四諦：

為天台宗智顛大師所立四種四諦之一。此係圓教之說，主張迷悟之當體即為實相；認為大乘菩薩圓觀諸法，事事即理而無有造作。

(一)苦諦，謂觀五陰、十二入等法皆即真如，實無苦相可捨。

(二)集諦，謂觀一切煩惱惑業，性本清淨，實無招集生死之相可斷。

(三)滅諦，謂觀生死、涅槃，體本不二，實無生死之苦可斷，亦無涅槃寂滅可證。

(四)道諦，謂觀諸法皆即中道，離邊邪見，無煩惱之惑可斷，亦無菩提之道可修。

《佛光》p6404

一心四諦：

一念心中具足無作四諦苦、集、滅、道的狀態，為天台圓教教義。

一念心中具十界苦、十界惑，名為苦諦、集諦；一念心中具十界苦而成涅槃、菩提，名為道諦、滅諦。

《佛光》(節) p35